

CARMEN RE-  
CITATVM A PETRO A ROTIS  
I.V.D. CVM M. HENRICVSE CAR-  
DVS NORINBERGENSIS POE-  
TICA LAVREA CORO-  
NA RETVR.

Quamuis sim studio sacri dicatus  
Iuris, me sibi vendicetq; legum  
Disciplina, tamen seueriore  
Musa seposita, iuuat poësis  
Interdum sacra, recreatq; mentem,  
Et curas animo leuat grauato.  
Maiestas igitur, decusq; Musis  
Cum rursum redijt, nitorq; honorq;  
Quin grates referant pijs patronis  
Quorum subsidio viget Poësis,  
Non possunt cohiberier Phaleuci  
Versus, Maxmilianus Imperator  
Quem virtus merito locauit astra  
Inter summa, sciens quod omne punctum  
Ferrent vtilibus suaue docti  
Commiscere, sacros honore Vates  
Ornandos voluit, suiq; CE L T A E  
Daphneam caput impedire Laurum

E ij

Iussit

Iussit nam socios Apollinares,  
Quos sacri calor vrget ignis, æquè  
Phoebea reputauit esse dignos  
Lauro, Quin etiam pius futuris  
Princeps munera contulit Poëtis,  
Testantur sacra priuilegiorum  
Hic diplomata quæ reliquit olim,  
Sed raros habuit prius Poëtas  
Seclum, Vix etenim putatur vñlus  
Quisquam Principis optimi fauore,  
Porro prouidus Vniuersitatis  
Huius Rector, opes perire tantas  
Ultra non patitur, videt redisse  
Tempus, quo Maro floruit, sacrifq;  
Decantator amoris ille Naso  
Quocirca literas diu sepultas  
In lucem reuocat, petitq; iussu  
Confirmarier optimi parentis,  
Qui nunc scepta tenet regenda mundi,  
Vt dignis sacra ritè conferantur,  
Posthac dona viris, nec ambigendum est,  
Quin Cæsar faciat quod est rogatus.  
Nam Cæsar literas amat, fouetq;  
Et Cæsar colit euehitq; doctos,  
Fecerunt prius eius id parentes,  
Id nati faciunt cum sequentes,

Nam

Nam Rex Æmilius genus Bohemum  
Qui sceptro regit optimus paterno,  
Ægrotante pio parente, solus  
Qui curas patris & graues labores  
Sustentat, celebrem sacro poëtæ  
Hanc pompam voluit scholæ frequentis,  
Ne res ludicra crederetur esse,  
Magnorum fieri Virûm Poetam  
Clarum iudicio, Pius ( secundum  
Patrem qui regit orbis Vniuersi  
Nutu perpetuo sacroq; molem )  
Grates Maximilianus Imperator  
Primas promeritus videtur, inde  
Vasti Gloria Ferdinandus orbis,  
Et tu Maximiliane Ferdinandi  
Fili Cælaris, Archidux, Paterq;  
Ter foelix patriæ, tuaq; gentis,  
Dum stabunt literæ, fluentq; vatum  
Venæ, vester honos decusq; stabit,  
Nam nullus nisi gratus est Poeta,  
Nec te, nec tua facta, nec labores  
Quos pro Gymnasio subis molestos,  
Rector Magne, scholæ paterq;. nostræ.  
Vatum carmina docta præteribunt,  
Semper perge sacros fouere vates,  
Hi vitam tribuunt suis patronis,

Lauro

Lauro cincte lacra caput Poëta,  
Inter præcipuos Ecardi vates  
Quos Germania fert habende semper,  
Autores volui celebritatis  
Quæ decreta tibi est referre versu,  
Vt scires quibus ociosus olim  
Grates carminibus tuis referres.

EIVSDEM ALIVD A  
puero recitatum.

Iam situm ponet Lyra, Barbitosq;,  
Grata iam rursum chelys audietur  
Iam fides plectri graciles sonori

Tendet Apollo

Nam suum Musis literisq; cultum  
Imperatores reuocant Quirini  
In sacros aptè sua collocando

Præmia vates,

Seculum felix viget aureumq;,  
Nam Patronorum satis & Maronum  
Austriæ tellus habet vna, plures

Semper & addit,

Faxit æternæ Deus autor arcis  
Vt Viennensis schola iam propager  
Quas fouet sancte literas, tenore

Semper eodem,

IN